

Матфеин 4 бөлг.

1. Тегэд Иисусиг кэдэ һазрт Эрүн Сәкүсн эрлгәр сөрүцхәр кәтлж ирв.
2. Дөчн өдр болн дөчн сө Иисус хот идлго, Бурхндан зальврад өдрмүд нерәдсмн, болв йир икәр өлсәд хот эдлх дурнь күрв.
3. Эрлг Терүнүр өөрдәд келв: «Кемр Чи Бурхна Көвүн болхла, эн чолуд өдмг болтха гһәд кел.»
4. Эн хәрү өгв : « Һанцхн нег өдмгәр күн әмдәр бәәж чадшго, зуг Бурхна ямаран чигн келсн үгәр бәәх» - гиж бичәтә.
5. Дарунь эрлг Иисусиг авад әрүн балһсна Иерусалимин сүмин ора деер тәвчкәд келв:
6. «Кемр Чи Бурхна Көвүн болхла дорагшан һәрәд, юңгад гихлә бичәтә - «Эврәннь зарцнртан Чини тускар заквр өгх: эдн Чамаг һар деерән авад йовх. Чи эврәннь кәләрн чолунд бүдршгоч?»
7. Иисус терүнд келв: «Эврәннь Деед Эзн Бурхан бичә сөрәд бә» - тиигж бичәтә.
8. Дәкәд Иисусиг эрлг әвртә өндр уул деер авч ирәд, цуг орчлнгин делкә болн туурмжиг үзүләд Иисусд келв: «Цуг энүг Чамд өгнәв.»
9. Терүнә хөөн Иисус эрлгт келжәнә: « Хооран һар эрлг Нанас юңгад гихлә бичәтә: Эврәннь Деед Эзн Бурхндан сөгд, һанцхн Терүнд цергл.»
11. Тиигхлә эрлг Иисусиг үлдәһәд, дарунь Бурхна элчнр ирәд Терүнд церглцхәв.
12. Иоанниг бәрж авсинь соңсад, Иисус Галилеюр йовж одла.
13. Назаретиг үлдәһәд, Иисус теңгсин көвәд Капернаум гидг балһснд Завулона болн Неффалима һазрт бәәдг болв.
14. Әәлдәч Исаяр дамжулад келгдсн үгмүд бүттхә:

15. «Завулона һазр болн Неффалима теңгс алднд бээх Иордана ца, буру номта улсин Галилея гидг һазр.

16. Харңһуд суусн әмтн герл үзцхәв, үклин сүүдрт суусн орн-нутгин суужасн әмтнд герл гилвкв.»

17. Тер цагас авн Иисус Байрта зәңг келдг болв: «Килнцәсн бийән цеврлtn юңгад гихлә Бурхна Теңгрин орн-нутг өөрдв.»

18. Галилеин теңгсин өөр йовж йовад, Эн ах дү хойриг үзв: Симониг, Пётр гидг нертә бээсинь болн терүнә ах Андреиг. Эдн гөлм теңгст хайдг бээсмн юңгад гихлә тедн заһсчнр билә.

19. Эн теднд келв: «Намаг дахтн, Би таднас әмт бәрдг кү кенәв.»

20. Тедн гөлмән үлдәһәд, Терүг дахад йовла.

21. Тендәс цааран йовад, Иисус талдан ах-дү хойриг үзв — Иаковиг, Зеведеин көвүг, терүнә ахинь — Иоанниг.

Тедн Зеведей эцкthән оңһцд билә, гөлмән хатхжала. Иисус тедниг дуудв.

22. Тедн дарунь эцкиннь оңһцан үлдәһәд, Терүг дахад йовцхав.

23. Иисус цуг Галилеяр, синагогмудт тедниг сурһад, Байрта Үг зәңгль болн ямаран чигн гемиг болн чинән уга улсиг Эн әдгәв.

24. Терүнә тускар цуг Сирия гидг һазрар зәңг тарв, Иисус тал чинәһән алдсн әмт, оln гемәс зовжасн, шулмар авлгдсн, харһцдг гемтә улсиг болн сүүдр дәврсн әмтиг Эн әдгәв.

25. Оln әмтн Галилеяс, Десятиградияс, Иерусалимәс, Иудеяс болн Иордана цааһас Терүг дахж йовла.